



SKÝRSLA STJÓRNAR 2018

Fyrir ári vorum við mörg hér á eftirminnilegum aðalfundi. Það var slæmt veður sem hafði áhrif á mætinguna sem var dræm, ritarinn tafðist í umferðinni og framboð til stjórnar ekki nægjanlega mörg.

Aðalbjörg Finnborgadóttir kom í fyrsta sinn á Aðalfund FHS til að hitta fólk sem hún taldi vera á fundinum en var ekki. Hún sat fundinn og þegar kom að því að fá framboð úr sal þá gaf hún kost á sér við mikinn fögnuð annarra fundarmanna. Ég get sagt ykkur að hún Aðalbjörg var mikill fengur fyrir stjórnina og stóð hún sig einstaklega vel og ekki skemmdi fyrir að hún er alvön félagsmálum.

Þá get ég sagt frá því að varaformaðurinn okkar hún Steinunn eignaðist stúlku 22.maí, ég er ekki viss, en ég held að þetta hafi verið í fyrsta sinn sem sitjandi stjórnarmaður í FHS eignast barn. Þessi viðburður kom í huga mér þegar ég var að skrifa þessa ræðu og líka hve sterka tengingu þessi litla stúlka sem fékk nafnið Alexandra Elly á við FHS. Elli faðir hennar sat í skemmtinefnd í ár og afinn hann „Siggi Gull“ stofnandi og eini heiðursfélagi FHS er fundarstjórinn okkar þetta árið eins og svo oft áður þar á meðal fyrsta aðalfundi félagsins.

Skýrsla stjórnar starfsárið 2018-2019

Í stjórn félagsins sátu:

- Víðir Aðalsteinsson formaður
- Steinunn Þóra Camilla Sigurðardóttir varaformaður
- Bjarni Jarlsson Gjaldkeri
- Aðalbjörg Finnbogadóttir ritari
- Ásta Dóra Valgeirsdóttir meðstjórnandi

Varastjórn

- Niels Karlsson
- Eiríkur Ingi Haraldsson



Stjórnarmenn voru dreifðir og því nær ómögulegt að ná öllum saman á fundi. Við þurftum því að nota tæknina til að ræða málin. Í júní varð breyting á skipan stjórnar þegar Eiríkur Ingi hætti af persónulegum ástæðum. Í hans stað kom FHS félagi Karl Kristján Hafstein Guðmundsson „hér eftir kallaður Kalli“ sem hefur verið mjög virkur og unnið gott starf fyrir félagið. Ásta Dóra Valgeirsdóttir náði því miður aldrei að stimpla sig inn í stjórn á tímabilinu þrátt fyrir vilja en hún dvaldi mikið á Spáni og tæknimálin líklega að flækjast fyrir.

Stjórnin fundaði að jafnaði mánaðarlega og voru fundir á tímabilinu níu. Fundað var hér í Reykjavík nánar tiltekið Korngörðum 2. Auk fastra funda var fundað með samstarfsaðilum okkar á Spáni.

Í október voru allir stjórnarmenn staddir á Spáni með einni undantekningu. Í tilefni þessa var boðið til kvöldverðar á veitingastaðnum El Muelle í Torrevieja. Stjórnarmönnum og mökum var boðið ásamt öryggisfúlltrúum og öðrum þjónustuaðilum á Spáni og áttu þeir sem komust góða stund saman.

Félagið hefur átt í samskiptum við utanríkisþjónustuna. Þar var aðallega rætt um mikilvægi þess að fá ræðismann á Costa Blanca suður svæðið. Á norður svæðinu hefur verið ræðismaður sem er staðsettur í Benedorm. Þeir sem hafa verið á suður svæðinu hafa því snúið sér til hans fram til þessa til að fá þjónustu.

Eins og sagt var frá í skýrslu stjórnar í fyrra þá var eitt af stóru markmiðum félagsins þá að fá ræðismann á suður svæðið. Þann 14. janúar settum við síðan frétt á heimasíðuna um að Manuel Zerón Sánchez hjá Cove Advisor, með aðsetur í Playa Flamenca, Orihuela Costa, hafi verið tilnefndur ræðismaður Íslands á Spáni. Við fögnum því mjög.

Frá árinu 2017 hefur félagið unnið með Manuel og landar okkar löngu fyrir þann tíma. Ég og Kalli funduðum með honum í lok október og ræddum frekara samstarf og hann er áhugasamur með að vinna með okkur. Hann nefndi að mikið af vandamálum sem koma til hans væri hægt að flokka sem þekkingaleysi. Á fundinum kom upp hugmynd um að halda 3-4 örfundi á Spáni á ári fyrir félagsmenn



þar sem eitthvert eitt málefni væri tekið fyrir á hverjum fundi. Nokkur mál komu strax á málefnalistan en þau eru :

- Útleiga íbúða á Spáni, lög og reglur.
- Ellilífeyrisþegar á Spáni – föst búseta, skattskylda og uppgjör
- Örorkulífeyrisþegar á Spáni, föst búseta plúsar og mínusar
- Atvinnuleyfi á Spáni, skattskylda & uppgjör o.s.frv.

Stjórn félagsins á hverjum tíma þarf að hafa skíra sýn og hjá okkur var áherslan lögð á öryggismálin eins og í fyrra, en það hefur sýnt sig að er afar mikilvægt að hafa í lagi. Ef eitthvað er þarf að efla þennan þátt enn frekar og leita leiða til að gera það ennþá markvissara og horfum við til tækninnar í því sambandi.

Á starfsárinu réði félagið einn öryggisfulltrúi til viðbótar á Spáni, Jóhönnu Soffíu Símonardóttur, sem er búsett í La Marina. Það er gert til að auka enn á öryggi félagsmanna úti á Spáni. Öryggisfulltrúar okkar eru nú tveir, þær Ásgerður Ágústa Andreassen búsett í Playa Flaminca, sem var ráðin 2017 og í ágúst bættist Jóhanna Soffía við. Þær kröfur eru gerðar á öryggisfulltrúana að þeir tali spænsku, ensku og íslensku og hafi reynslu af búsetu á Spáni og góða þjónustulund.

Margir FHS félagar hafa haft samband við öryggisfulltrúana tvo. Sum málin er hægt að afgreiða strax en önnur eru erfið og viðkvæm. Eins og áður eru helstu verkefni öryggisfulltrúa að gefa ráð í síma sem og aðra þjónustu eins og túlka fyrir félagsmenn þá helst á heilbrigðisstofnunum en líka á öðrum stöðum.

Það er mikilvægt að geta leitað til öryggisfulltrúa í nauð. Í alvarlegum tilfellum þegar áfall skellur á fer oft öll rökhugsun. Ég veit um dæmi um aðila sem talar góða spænsku en sú kunnátta glataðist eitt augnablik þegar áfallið brast á. Í svoleiðis tilfellum er gott að hafa aðgang að öryggisfulltrúa sem getur stigið inn í og stutt við okkar félagsmenn. Ég vil minna féлага á að skoða tryggingar sínar og vera viss um að þær séu í lagi og hafið alltaf gilt sjúkratryggingakortið við höndina.

Ég hef fengið spurningu um kostnað við þjónustu öryggis og þjónustufulltrúa, en hana er að finna í árlegum efnahagsreikningi félagsins og eins eru samningar við þá



að finna á heimasíðu okkar. Ég er líka spurður hvort það sé eðlilegt að félagið sé að borga fyrir þessa þjónustu. Því er til að svara að það er ekki hægt að fara fram á við nokkurn mann að bera síma og svara honum dag og nótt án þóknunar.

En verkefni FHS er meira en þjónustu og öryggisfulltrúar.

Í stjórn félagsins sitja aðilar sem vinna launalaust að hagsmunamálum félagsins. Mikill tími fer í að funda, það eru samskipti við Goldcar sem skilar okkur smá tekjum í reksturinn, við opinberar stofnanir, ferðaskrifstofur, fjölmiðla, banka, prentsmiðju, póstin og síðast en ekki síst samskipti við félagsmenn og hugsanlega félagsmenn. Þess utan svörum við margskonar fyrirspurnum á facebook frá félagsmönnum sem og öðrum. Heimasíðan hjá okkur býður upp á að selja auglýsingar sem við höfum gert en þó ekki eins mikið í ár eins og æskilegt hefði verið. Við erum með afslætti hér og þar en því miður þá gafst ekki mikill tími á hjá okkur til að sinna þeim málum.

Stjórnarmenn á hverjum tíma þurfa að fylgjast vel með hér heima og erlendis og koma á framfæri efni sem þeir verða áskynja til félagsmanna. Sem dæmi um það má nefna, öllu tengt flugi milli landanna, um lög og reglur, ráðleggingar og tilmæli, sem og allt annað sem við teljum að eigi erindi í okkar hóp. Á heimasíðu okkar er grein um reglur er varða útleigu fasteigna á Spáni sem félagi Kalli tók saman. Ábendingar frá Cove og GM Leagal um dóm hæstaréttar Spánar um oftekin gjöld vegna lána hjá Spænskum bönkum, svona efni verður að koma á framfæri í okkar hóp sérstaklega þeirra sem eru með fasteignalán.

Við komum efni á framfæri með því að skrifa fréttir á heimasíðu félagsins. Við notum líka facebook en aðrar leiðir höfum við ekki. Því miður er það svo að meðal FHS félaga eru aðilar sem aldrei fara inn á þessa miðla sem við notum og missa því af efni frá okkur og spyrja þegar þeir sjá okkur „hvað er ekkert að gerast í félaginu“ Við viljum hvetja félagsmenn til að skoða þessa miðla reglulega.

Áður en Íslendingafélagið á Spáni var stofnað þá stóðum við líka fyrir viðburðum á Spáni en höfum ekki gert það í ár og hefur nýstofnað Íslendingafélag sinnt þessu vel.



Stjórnarmenn Íslendingafélagsins eru allir með búsetu á Spáni og hafa meiri tíma og eru þess vegna í mun betri aðstöðu til að sjá um viðburði þar. Ég fagna því að það hafi tekið til starfa og hef sótt viðburði á vegum þess. Ég er á því að samstarf við Íslendingafélagið væri æskilegt það myndi styrkja samfélagið þar úti til hagsbóta fyrir alla.

Við erum aðeins öðruvísi félag, erum íslenskt félag með íslenska kennitölu og núna með sögu. Meirihluti stjórnarmanna er hér heima og er í vinnu ennþá. Héðan vinnum við að hagsmunarmálum okkar en líka á Spáni þar sem við erum með okkar fulltrúa. Við reynum að segja frá öllu sem er um að vera á Spáni og notum til þess viðburðadagatal sem Kalli hefur séð um á sérstakri facebook síðu.

Eftir síðasta aðalfund fannst stjórn að það þyrfti að skoða lög félagsins og gera tillögur að breytingum. Við erum ekki stórt félag og finnst okkur að lög félagsins þurfi að vinna með okkur. Þessi liður verður tekin fyrir hér á eftir.

Að lokum þá vil ég þakka stjórnamönnum og öryggis og þjónustufulltrúum fyrir samstarfið á árinu og vil sérstaklega fá að þakka vini mínum honum Bjarna Jarlsyni fyrir frábært samstarf í gegnum 7 ár í það heila en þegar ég kom í stjórn þá var hann búin að sitja í stjórn í 5 ár. Það fer ekki mikið fyrir Bjarna en eftir að hafa unnið með honum í stjórn FHS get ég borið vitni um að traustari og nákvæmari mann með þessa líka þjónustulund er vandfundinn. Ég vil benda á að efnahagsreikningur sem við förum yfir hér á eftir er hans smíð sem hann gefur félaginu en í fyrra kostaði sú vinna félagið 145 þúsund krónur.

Takk fyri áheyrnina.